

AWE Mainta

E DIFERENCIA DEN NOTICIA

AAA DOMINANDO E MUNDO DI AVIACION CU PREMIO RENOMBRA DI “AIRLINE MARKETING”



UNDA ARUBA TA HAYA E PLACA? **2**
**RETONAN GRANDI,
RECURSONAN LIMITA**

NA 2024 A MIRA AUMENTO DI 6,97% DI
CONSULTA CU SPECIALISTA CU TA TRAHA PA HOH
**HORACIO ODUBER HOSPITAL TA
PRESENTA CIFRA TOTAL PA AÑA 2024**

**AUTORIDADNAN
PREOCUPA CU IMPACTO DI
TIRAMENTO DEN COMUNIDAD** **7**





Awo cu 2 florin mas, bo por gana e **MEGA PLUS**

* Afl. **2.500.000,-**

* Afl. 1.600.000,- + Afl. 900.000,-
extra

Benta ta sera 7:30 pm y sorteo ta hunga 7:45 pm



HUNGA AWO





M-Files

The Smarter Way to Work.



the Search!

Find and access content based on *what it is*, not where it is saved

- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign



VCC
International NV

Tel. 583-7072 | info@vcc-int.com | www.vcc-int.com

AAA dominando e mundo di aviacion cu premio renombra di “Airline Marketing”

CU hopi orguyo Aruba Airport Authority N.V. (AAA) ta anuncia cu e t’e ganado di e Routes Americas 2025 Award den e categoria di “Under 4 Million Passenger Category”, reenforando e compromiso di AAA pa desaroyo di servicio aereo, asociacionnan cu e companianan di aviacion y expansion di conexion.

Reconociendo excelencia den “Airline Marketing”

E Routes Americas 2025 Awards ta celebra e logronan sobresaliente den mercadeo di aeropuerto y destinacion, honrando e aeropuerto-, destinacion- y aerolineanan cu a demostra exito excepcional den desaroyo di ruta y crecimiento di red. E premio aki ta particularmente significativo ya cu e ganadonan ta eligi door di e companianan di aviacion mes, haciendo esaki un di e elogionan di mas prestigioso den e industria di aviacion.

E aña aki, un total di 15 aeropuerto, cinco destinacion y cinco aerolinea tabata selecciona como finalista den varios categoria. A presenta un total di seis premio, incluyendo tres pa excelencia den mercadeo di desaroyo di ruta di aeropuerto, categorisa pa volumen di pasahero:

- **Under 4 Million Passengers**
- **4-20 Million Passengers**
- **Over 20 Million Passengers**

Husga p’e expertonan den e industria

E logro di Aeropuerto di Aruba a keda determina pa un panel distingui di profesionalnan di aerolinea incluyendo:

- American Airlines – Jason Reisinger, Managing Director, Global Network
- Avianca – Julian Andres Gelvez Hinestroza, Director, Network Planning
- Sun Country Airlines – Joe Beckendorf, Senior Director, Network Planning and Charters
- Avelo – Michael Corcoran, Director, Network Planning
- Bahamasair – Leroy Ferguson, Scheduling Manager
- WestJet – Rick Jones, Interim Director, Route Planning
- Volaris – Eric Friedman, Director, Network Planning and Strategy

Un trayecto proba pa excelencia

Aeropuerto di Aruba tabatin e honor di competi den e Under 4 Million Passenger Category hunto cu Curaçao International Airport, Halifax International Airport (Canada), Québec City Jean-Lesage International Airport (Canada) y Syracuse Hancock International Airport (U.S.). Esaki ta marca e di seis victoria di Aeropuerto di Aruba den e categoria aki, despues di a sigura e premio anteriormente na aña 2007, 2010, 2013, 2016 y 2020. E reconocimiento prestigioso aki ta resalta e strategianan di mercadeo innovativo di Aeropuerto di Aruba, campananan local impactante, partnership fuerte cu e aerolineanan y compromiso di expansion.

Un era nobo den desaroyo di negoshi

Alinea cu e strategia di crecimiento, Aeropuerto di Aruba a restructura e departamento di Air Service Development den e departamento di Aviation Business Development. E transformacion aki ta mehora e



recurso y e capacidnan, cu un enfoque fuerte riba e maneho di relacion cu cliente y campananan di mercadeo local innovativo.

Un gradicimento special ta bay pa Mary Joan Wardlaw, Customer Relationship Officer, su contribucion a resulta esencial pa sostene e partnernan di aviacion di Aeropuerto di Aruba na nivel local.

“Cu e exito den aña 2024 y e crecimiento proyecta pa aña 2025, nos ta sigur cu esaki ta marca un era nobo den desaroyo di negoshi. Nos ta keda comprometi pa fomenta partnership di aerolinea, impulsa innovacion y sigura crecimiento sostenibel”, asina Jo-Anne Arends, Aviation Business Development Executive na Aeropuerto di Aruba, a expresa.

Barbara Brown, Chief Revenue Development & Communications Officer, a agrega: *“Mi ta sumamente orguyoso di nos team na Aeropuerto di Aruba. E reconocimiento aki ta refleha e trabou duro, dedicacion y vision strategico cu ta impulsa nos exito. E no ta solamente destaca nos logronan pero tambe ta enfatisa nos compromiso a largo plaso pa excelencia operacional, experiencia di cliente y crecimiento sostenibel”.*

Aeropuerto di Aruba: Un lider regional den conexion aereo

Como bo porta pa felicidad, Aeropuerto di Aruba ta sigui conoce un record den trafico di pasahero. Na aña 2024, aeropuerto a procesa mas cu 3 milyon pasahero, loke ta representa un aumento di 14% den pasaheronan cu ta genera entrada compara cu e aña anterior. Cu un red altamente conecta di 25 aerolinea brindando servicio non stop na mas cu 45 destinacion den 31 ciudad, Aeropuerto di Aruba ta keda e aeropuerto di destinacion premier den Caribe.

Adicionalmente, e aeropuerto a registra un aumento di 15% den capacidad di asiento, añadiendo 263.000 asiento aña tras aña, fortaleciendo ainda mas e conexion di Aruba y cumpliendo cu e demanda creciente. Na aña 2024, Aeropuerto di Aruba orguyosamente a yama bonbini na dos aerolinea nobo, LATAM Airlines y GOL, a introduci tres ruta nobo y a mira un aumento di 16% den e vuelonan cu e partnernan clave di aerolinea entre otro JetBlue (B6), Delta (DL), American Airlines (AA), Avianca (AV) y Copa Airlines (CM). E expansion aki a mehora e conexionnan di punto pa punto ainda mas y a mehora e alcance di distancia largo.